



Шормо эл, порымлык да рум бер!

18-ше (3354) №,
2018 ий 5 май,
шуматкече.

ЯМДЕ ЛИЙ

1933 ий 1 февраль годсек лектеш.

0+

9 май –
Сенгымаш
кече



Кажне салтакыт шарнаш!

Мыйын кок кугезе качамат Кугу Отечественный сареш вуйыштым пыштеныт. Ачам велым – Степан Семенович Семенов – 1942 ийыште Курск верч кресталмаште колен. Авам велым – Павел Иванович Катканов – увер деч посна йомшылан шотлалтын. Тудым ятыр жап кычалынна, ынде палена: кугезе качамым Воронеж ола воктене тойымо. Когыньыштынат дүмышт Шенше села (Морко район) покшелне шогышо обелискеш шөртнө буква дене возалтыныт.

Кугезе качам-влак Герой лийын огытыл гынат, тукумна нуным шарна. Павел качана дүмеш авам ойлымашым возен, уныкаже тудын дүмжым нумалеш. Мыйын изамлан вес качамын дүмжым пуэныт: тутат Степан Семенов. Кодшо ийын кугезе качам-влакын портретыштым «Бессмертный полк» акцияштыште нумал ошкылыныт.

Мемнан, самырык тукумын, порысна – шарнаш. Элна, тыныс верч вуйжым пыштыше кажне салтакым шарнаш!

Наталья СЕМЕНОВА.
Йошкар-Ола.

★ **Настя БАСОВАН** сүретше.
Туньктышо – Л.М.Новикова.
Национальный президент
сымыктыш школ.

ПОДПИСКЕ!

Марий Элыште, Пошкырт да Татарстан кундемлаште илыше-влак газетлан почто связь отделенийлаште возалтын кертыт.

10 гыч 20 май марте **Россий мучко подписке декаде эрта.**


Газетлан 245 тенге 70 ыр ак дене возалташ лиеш.

2018 ийын II пелыжлан «Ямде лий» газетлан подпискым ыште, квитанцийжым але копийжым редакцийыш колто – тунь призым сенген нал.

Рекламе.

Лотерейын
тунь призше –
ватрушко.

Индекс
– П4696.





Виян да уста – сеньше!

Д. РЕЖИНЫН ФОТОЖО.

Туныктышо! Ик шомак, а мыняр тушто вий-куат, чытымаш, куан да сеньмаш... Тиде профессий деч шергаканрак мо уло тўняште? Шокшо да мучашдыме кумда шўман педагог-влакын пайремышт 24-27 апрельште Йошкар-Оласе 11-ше номеран лицейште эртен. Туныктым паша мастарлыкым тергыше республикысе конкурсыш 45 туныктышо ушнен. Туныктышо-влак мастер-классым, почмо урокым, методике семинарым эртареныт. Йыргешке ўстел йыр шинчын, кызытсе туныктым паша нерген мутланеныт.

Л. ГРИГОРЬЕВА.



«Марий Эл Республикын уста туныктышыжо» лўмым 2-шо номеран Медведево школышто тўналтыш класслам туныктышо Татьяна Михайловна Анисимова (пурлаште) сенен налын.

«Марий Эл Республикын уста воспитательже» лўмым Елена Владимировна Дружинина (снимкыште покшелне) (Йошкар-Ола, 37-ше номеран «Йошкар упш» йочасад) сулен. Ты конкурсышко 16 воспитатель ушнен.



«Уста марий туныктышо» конкурсышто Йошкар-Оласе 7-ше номеран школышто тўналтыш класслам туныктышо Ирина Вячеславовна Закиева сеньшыш лектын.



Йоратыме ялем

Шочмо ялем идалыкын кажне пагытыштыжат моторлыкшо дене ойыртемайтеш. Шокшо кенезым кажне сурт ончылно мотор деч мотор пеледышым ужаш лиеш. Шошо кечын ялемым ломбер ош тўсшō дене авалта, пуйто мотор марий ўдыр, ош тувырым чиен, марлан лекнеже. А пушыжо торашке шарла, чылаштым унала ўжеш. Шōртнō тўсан шыжым ялем сўаныш погынен шогалше марий вате гай веле коеш. Телым ял шенгелнысе тыгыде кожер, кылмаш огыл манын, ош ужгам чиен шогалеш.

Кажне ен шке шочмо кундемже дене кугешна. Кажне енлан шке вершōржō эн лишыл да йōратыме.
Анастасия МАРТЫНОВА.
У Торъял, Немда.



Самырык шымлызе

25 апрельште Йошкар-Олаште Йоча тоштерончер рўдерыште республикысе краеведений конференций кумлымшо гана эртен. Ты гана тудо «Тоштер да йоча-влак» темылан пōлеклалтше лийын. Кум секций пашам ыштен.

Сеньше радамыш **Елена Камышева** (Шернур йоча усталык пōрт), **Мария Репина** (2-шо номеран Шернур школ), **Татьяна Васильева** (1-ше номеран Морко школ) лектыныт.
З.КУДРЯШОВА.

Мына пурломо верыш шокшо совламы кучеда гын, ок улырыкто.

Кечыште 2 литр вўдым йўжаш темлат.

2018 ий
7 майыште
12 шагатлан Россия Президент Владимир Владимирович Путинын инаугурацияже лиеш.

«Лўдыкшыдымō орава» республикысе конкурсышто 17 команде танасен. Волжск оласе лицейын тунемшыже-влак Всероссийский танасымаште Марий Элын чапшым аралат.

Звенигово район Какшамарий школын тунемшыже Алексей Скворцов «Горячее сердце» знак да диплом дене палемдалтын. Рвезе йолташыжым электроток перыме деч утарен.

Майыште эндыремшыш шуко – шокшо кенезым вучыман.

Помидорым паренге да йошкарушмен воктек ида шынде.



Еш - улыш кече

Жанна Анатольевна ден Владимир Николаевич Дмитриевмыт 20 ий пырля илат. Шуко жап Морко район Энерумбал ялыште иленыт, Кугорнумбал ялыш куснымыштан 2 ий лиеш. Ешыште 5 икшыве кушкеш.

Вате-марийын палемдымышт почеш, йоча деч посна еш тиде еш огыл. «Портышто икшыве уло гын веле чонлан ласка», – ойла Жанна

Анатольевна. Вет нуно шкештат шуко шочшан ешыште кушкыныт. Владимир Николаевич 6 менте ордыжтө верланыше Кораксола ялышке кажне кечын пашаш коштеш. Пелашыжын професийже – ава. Тиде пашат нимынярат куштылго огыл. Шаггал огыл вольыкым ончат: кок ушкар, презе, сөсна, чыве. Имным кучат. Имне дене пакчам тырмалат, парентге йыраным корат, шудым шупшыклат.


ЛЕНА – эн кугу шочшо. Олимп резерв училищыште тренерлан тунемеш, тений пытара. Тудын дене чылан кугешнат. Республикыште эртыше тагасымашлаште вийжым терга, 1-ше, 2-шо, 3-шо верлам наледа. Россий кукшытыштат шен-гелан ок код. 2012 ийыште Леналан куштылго атлетике дене спорт мастерыш кандидат лумым пуэныт. Чолга удыр – Марий Эл Вуйлатышын стипендиатше. Тений курыкыш куржалмаш дене Российын сборныйышкыжо пуртеныт. Медаль ден кубокшым шотлен от пытаре!



СЕРГЕЙ 16 ияш. Коркатово лицейыште физикематематике профилян 9-ше классыште тунемеш. Вара кадет классыш куснаш шона. Спорт дене пентгыде кылым куча, футболлан шуман, түрлө тагасымашке коштеш. Сергей – ачажын ушанле, кугу улыш калышыже. Имным вуда, кычкен мошта; сурт сомылкамат орканыде ышта.



ТАНЯ шукерте огыл 4 ийым темен. Тудо ончыкылык артистке. Телевизорышто Татарстанын каналжым колта, татар семым колешат, кидше-йолжо модеш веле, шогалде кушта. Телефонышто марий мурым чўкта – кертмыж семын муралтен колта, ачаж ден аважлан изирак концертым ончыкта. Вес тунемме ий гыч йочасадыш кошташ тўналеш. Тидлан кызытак аваж дене пырля ямдылалтыт, буква-влакым тунемыт. Тылеч посна изи удыр йомакым онгайын каласкала. Аважлан түрлө сомылкам ышташ полша. Изаж ден ачажын школ гыч толмыштым вуча, кажне минутшым шотла.



Эн изиже – **ЗЛАТА**. Тудлан улыжат 10 тылзе. Лумжө ўпшын тўсшылан келшыше. Злата, золотой – шортньо. Кызыт кошташ толаша, чыла вере шуэш. Моткоч весела, чолга удыр. Шыргыжал колтымыж дене чыланыштым куандара.

*Ача-ава шочшын пилже верч чыла чытышаш.
К.Коршунов.*




МАША тиде лицейыштат 3-шо «А» классыште шинчымашым пога. Тудо изинек йылмым шижше кушкеш – марий, руш литературым моткоч йората. Класс вуйлатышыже – Аида Михайловна Павлова – кумыланден моштен, очыни. Яра жапыште книгам кидыш кучен шинчеш да шуко жап ок торло: йомакым, ойлымашым рушлат-марлат лудеш. Шкежат «Морко мланде» да «Ямде лий» газетлашке заметке-влакым возкала.

Х.АЛЕКСАНДРОВА.
Авторын фотожо-влак.

1941
1945

9 май – Сөгымаш кече!



«Вахта памяти»
акцийым Йошкар-
Оласе А.С.Пушкин
лүмеш 4-ше номеран
гимназийын кадетше-
влак тўналыныт.

Курымашлык тул воктене

Тымык. Ида вашке
Өрдыж коранаш:
Тул лойга кавашке
Канде, курымаш.
Тымык. Но ок малте
Кечым толкыналтше
Шарнымаш.
Толын тышке лүмын
Таче чал ава.
«Эргым...» – шерге лүмжым
Эркин пелешта.
Тыште – кава канде,
Шып курымлан.
Ок күл мландывалне
Сар нигöлан.
– Ок күл! Ок күл шортмо! –
Пуйто йүк шокта.
Лачак ида мондо,
Лачак шарныза...
Пиалан илыза,
Олмешнат илыза,
Илыза...

**Альбертина ИВАНОВА,
Марий комсомолын
О.Ипай лүмеш премийын
лауреатше.**



Софья КОРЧМАРЕК.
Йошкар-Оласе
Бауман лицей.
Туныктышо: С.Орлова.

**Мария
БАГАЕВА,
«Волонтёры
Победы»
Российесе
мер ушем
Марий
Эльсе пөл-
кан коорди-
наторжо:**

– 24 апрель
гыч 8 май
марте Йошкар-
Олаште ныл
вере Сөгы-
машын символ-
жым – Георгиевский тасмам – пуэдат. Ты суапле сомылым
Самырык-влакын полатыштын патриотический воспитаний рүде-
рын, «Волонтёры Победы» ушемн үдыр-рвезышт-влак,
«Юнармия» детско-юношеский мер толкынын юнармеецше-шамыч
– чылаже 100 утла волонтер шукта.

Снимкыште: Марий Эл Республикасе МВД пеленысе
Общественный Советын енже С.Анисов да Йошкар-Оласе 3-шо
номеран школын кадетше акций годым.

Л.СЕМЕНОВА.

☆ Чылаже
20 тўжем тасмам
кучыклат.

Фотом Интернет гыч налме.

Мом ышташ ок лий:

- ◆ үпыш, йолчиемыш, йола-
шыш пижыкташ;
- ◆ машинаш, сумкаш, рюкза-
кыш, оксагалташ кылдаш;
- ◆ кидшерыш, шўше-
рыш савыраш;
- ◆ вургемыш утыжым
шүко тасмам пижыкташ;
- ◆ янлыклан шўяш (ошей-
ник) семын кучылташ;
- ◆ ужалаш.



☆
**Георгиевский
тасмам он тура
пижыктыман.**

«Зарнице»

Мыланна «Зарнице» модыш пеш
келша. Тений «пограничник» (командир
Никита Антипин) да «десантник»
(командир Юлиан Басов) лийынна.
Физкультурым туныктышына Иван
Григорьевич онай заданий-влакым
ямдылен. Чыла этапым эртымек,
«пограничник»-влак сенышыш лекты-
ныт. Тамле приз чылалан логалын.

Яна ВЕДЕНКИНА, 7-ше класс.
У Торъял, Кузнеч.

Фронтлан полшен

Мыйын кугезе кочам Иван
Степанович Степанов Кугу
Ачамланде сар годым Ижевск олаште
трудовой фронтшто лийын. Оружейный заводушто фронт-
лан боеприпасым ямдылымаште тыршен. Шке пашашт
дене заводуын пашаенже-влак Сөгымашым лишемдаш
полшеныт.

Морко, Унчо.

Ольга СТЕПАНОВА.



Увер
Йоча да
самырык-влаклан
В.Х.Колумб лүмеш рес-
публикысе книгагудышто
«Как хорошо на свете
без войны» почеламутым
сылнын лудмо конкурс
эртен. Тушко йочасадыш
коштшо ньога да
тўналтыш класслаште
тунемше-влак ушненыт.

☆☆☆

4 майыште Т.Евсеев
лүмеш Национальный
тоштерыште «Сөгымаш
шошо» лүман тўвыра
акций эртен. Йоча-влак-
клан «Воин-влакын тур-
нирышт», «Сөгымашын
легендарный сар-курал-
же», «Война гыч серыш»
программе-влак пеш
пайдале лийыныт.
«Корно аралтыш» ин-
терактивный программы-
ште армийыш ужатыме
йўла нерген каласкале-
ныт.

Паўрем дене!

Ленинградым арален

Мый кугезе кочам Ермил Васильевич Парфенов нерген каласкалынем. Кугу Отечественный сар тўналмек, икымше кечылаштыжак фронтыш каен. Блокадысе Ленинградым арален. Кочамын шарнымашыж гыч, тудо икмынар кече кочкыш да вўд деч посна шинчен. Шке кочмо нормыжым шужышо йоча-влаклан пуэн. Кочам пленштыт лийын. Сар деч вара кугезе кочам Чобык клубышто пашам ыштен. Хорым поген, ятыр ий вуйлатен.

★ Ленинград блокаде 872 кече шуйнен.

★ 630 тўжем ег кылмен-шужен колен.

Лина ЕГОШИНА, 7-ше класс.

У Торъял, Немда.

Вуйнам савена

Шымле кум ий!
Кава уэш канде,
Огеш ўмылтө кечым сар шикш.
Олыкнат пеш мотор – ал-ужарге,
Огеш умдыл висвисым сар пикш.
Шонен ыле фашист мемнам кулыш,
Элнам ялчыш виге савыраш.
Шоньмашыже вел лумла шулыш
Да тошкалте лўмнер лавыраш.
Шымле кум ий йонга эрык муро
Татарла, чувашла я марла.
Лач коклаш ойган сем ынже пуро,
Тек кумдан куан муро шарла.
Шымле кум ий...
Тиде шуко, шагал ма –
Ок лий эрыкым ий ден висаш.
Вуй савен чыланат те шогалза,
Пыштымеке ты акым висаш.
Владимир ЕГОРОВ,
Россий писатель ушемьн енге.

★ ★ ★

«Бессмертный полк» акций годым фронтышто лийше але сўй пасу-эш вуйыштым пыштыше фронтовик да ветеран-влакын фотографияштым кучен, ег-влак ола я ял урем мучко эртат. Тиде акцийыш ушнышо-влак кажне ийын шукемыт. Ончалза:



Фотом Приволжский (Волжский район) книгагудын архивше гыч налме.

★ «Бессмертный полк» акций тений визымше гана эрта.

★ 80 эл да кундем ушненыт.

Сенгымашлан – 73 ий

Марий Элыште

2014 ий: Йошкар-Олаште – 1200, чылаже – 4100;

2017 ий: Йошкар-Олаште – 8000, чылаже – 22000.

Россий мучко

2016 ий – 6,2 миллион ег,

2017 ий – 7,8 миллион ег.

Медшўжар коваем

Кугезе ковам Кугу Ачамланде сарыште кредалын. Тудо медшўжар лийын. Шуко салтакым колымаш деч утарен коден. Ик тале кредалмаште шкежат чот сусырген. Шуко жап госпитальыште эмлалтын. Вара адак – фронт. Тыге кугезе ковам Сенгымашым лишемдаш полшен.

Роман ИВАНОВ.


Морко, Коркатово.

Тау тылат, кугезе кочаем!

Кугезе кочаем, Николай Иванович Чернов, 1912 ийыште Марий Купто ялеш шочын. Неле илышлан кўра 4 классым веле тунемын. Арми деч ончыч колхозышто ыштен, а 1936 ийыште армийыш налыныт. Кочам Мўндыр Эрвелне, Тихоокеанский флотышто, служитлен. Мўнгө толын шуктен огыл – сар тўналын. Сар годым корабль дене боеприпасым шупшыктеныт. Кугезе кочам 10 ий Совет Арми раданыште элнам арален, 1946 ийыште шочмо-кушмо верышке пўртылын. Тудын шуко орден ден медальже уло. Ме кочанам порын шарнена. Тау тылат, совет салтак!

Дарья ТИХОНОВА, 5-ше класс.

Марий Турек школ.



Мария ИВАШКИНА.
Йошкар-Оласе
Бауман лицей.
Туныктышо: С. Орлова.



Синк-вейн

Тузик
Кугу, ушан.
Вашлиеш, ырла, куана.
Портнам оролышо.
Пий.

Петя НАГАЕВ.
Советский, Орша.

Изи прием

Мыйын йоратыме прием уло. Тудо моткоч изи, мотор да ушан. Урлыкшо – чихуахуа. Мый тудлан Пушинка лұмым пуэнам. Пинегым мыланем аваем шочмо кечемлан пөлеклен. Мемнан дене пырля ынде визымше ий ила. «Йолет пу» манат – пуа, «шич» манат – шинчеш, возаш кұштет – возеш. Шинчаже кұреналге, пылышыже шеме, а нерже полдыш гай. Кечывалым уремыште пырля модын куржталына. А йўдым ик вакшыште малена. Телылан вургемымат шкеак ургем. Пушинка – мыйын эн сай да ўшан-ле йолташем.

Дарья ИВАНОВА, 4-ше класс.
Волжский, Пөтгял.




Онагй пырысем

Мыйын Муся пырысигем уло. Пеш мотор, онагй, модаш йоратыше. Мо орыктара: тудо кочкышым огеш ойыркале. Икана мый урем гыч пурышым, кухнышко ончалым. Тушто Муся ўстембак кўзен да мўй тарелке гыч мўйым нулен шинча! Мылам онагй чучо да шижде воштыл колтышым. Муся, йўкем колын, вашкен гына кўварыш тўрштыш, кровать йымак шыле. Мый тудым пыкше луктым. Южгунам мемнан Мусяна шоколадымат кочкеш. Теве тыгай онагй пырысигем.

Анна ИВАНОВА.

Морко, Арин.



Конкурсш

Сай йолташ

Мыйын уло пырысем,
Тудым пешак йоратем.
Кече мучко вет мала,
Школ гычат моткоч вуча.
Окна воктене шинчылтеш,
Уремышке виеш ўжеш.
Коктын тўгө лектына –
Шошылан куанена.
Пырысемже пеш чоя:
Изи кайыкым кўта.
– Ит тўкале, – пеш вурсем. –
Тудат мыйын йолташем!
Вот тыге ме илена,
Сай йолташ вет улына!

Полина АЛЕКСЕЕВА,
3-шо «Б» класс.

Конкурсш

Ош пырысем
Коклан вурсем.
Шуйнен возеш
Я модалеш:
Сўрал кош.
– Сыра?
– Огеш.
Кеч шке изи –
Онагй пыси.
Ырла – мырла,
Но чылт марла.

Таня ТАНЕРОВА.
1-ше номеран
Шернур школ.



Мый Захарята ялыште илем. Приемын лўмжў – Лита. Пеш мотор, кугу, сай пий. Тудым тамлын пукшем, кочкаш пеш йората. Коктын пырля модына.

Света БОГДАНОВА.
Советский район.

Онагй

Мо мыняр ила?

Имне кокла шот дене 20-25 ий, ушкал 20-35 ий наре, 15-20 ий илат.

Мыйын пырысе-мын лўмжў – Мурка. Тудо ош тўсан, шинчаже ужарге. Мыйым пырысем чот йората. Мый Муркам шыл да тамле кинде дене сийлем.

Анжелика ЕГОРОВА.
Морко, Энерсола.



Георгий МИХАЙЛОВЫН сўретше.
Волжский, Сотнур.



Икана мемнан пырыс
Кучен изи когаршым.
Йыгыжтарышым тыгайым,
Изи гына шулдыраным.
А чоя когарш
Шонен ондалаш.
Чапа гыч мучыштен,
Кўшкў чонештен.

«Урам» кычкыралын,
Шинчажым пўялын.
Нина КУДРЯШОВА.
Морко,
Коркатово.



Клеткан тетрадь	1→	4←	2←	2↑	1→	1↑	2→	1↑	1→
листокеш графический диктантым ыштыза.	5↓	6→	1↗	1↖	1✓	1↑	1↗	2↘	2✓
Мо лекте?	2↓	1→	3↓	1←	2↑	1←	1↑	6←	1↓
	1←	2↓	1←	3↑					

Юмын книга



Кугу Корамас школыштына Православный книга кече эртаралтын. Школын библиотекарьже Г.М.Николаева юмын йўла дене кылдалтше книга ончерым чумырен. «Тыгай сынан книга-влак айдемылан чын илыш корным ойырен налаш полшат», – палемден туныктышына А.А.Семенова. Ме, 4-ше классыште тунемше-влак, икымше православный книган шочмыж нерген каласкаленна. Пайремыш Сотнур селасе Святой Троице лўмеш черкын настоятельже иерей Игорь Сапаев толын.

Анастасия МИХАЙЛОВА.

Волжский район.

Я.Эшпай лўмеш Марий кугыжаныш филармоний



Калыкын йодмыж «Марипарк» музыкально-хореографический спектакль **10 да 23 майыште** М.Шкетан лўмеш Марий национальный драме театрыште 18 шагатат 30 минутлан ончыкталтеш.

11 май – Звенигово олесе «Мечта» тўвыра да каныме рўдер, 18 шагатлан.

Лекше йодышым **42-29-39, 78-13-78** номерла дене рашемдыза.

Рекламе.

Тест

«Онар» легендым кў возен?

- а) Василий Юксерн;
- б) Пет Першут;
- в) Олык Ипай.

М.Шкетан кудо произведенийым возен?

- а) «Изи тумо»; б) «Ик ялыште»;
- в) «Мичун уке ачажат».

Яна СОЛОВЬЕВА.

У Торъял, Немда.

Иван Одарын чын лўмжў могай?

- а) Романов Иван Ефимович;
- б) Иванов Одар Васильевич;
- в) Егошин Михаил Иванович.



Лишыл ендам шочмо кече але иктаж пайрем дене саламлаш шонеда гын, серышым возен колтыза.

Салам лук

Шочмо кечет дене!

Лишыл йолташ ўдыремын лўмжў – Ксения. Ме коктынат 9-ше классыште тунемына. Ксения тыршен тунемеш: алгебр, биологий, ИКН предмет-влакым йўрата. Урок деч вара яндар южышто коштына, мўнгысў пашам южгунам пырля ыштена, ваш-ваш полшаш эреак ямде улына.

Ксюшалан вашке латвич ий темеш. Мый тудым шочмо кечыж дене саламлем!

Валерия МИХАЙЛОВА.

Морко, Зеленогорск.

Сўретым чиялтыза.



Ага тылзе

Вўдшор тылзе пыталеш, Ага тылзе толалеш. Пайрем кече лишемеш – Чылам уремышке ўжеш. Тыныслык. Паша. Ага – Кум мут пентгыдын йонга. Тўня калык погынен Кушта, мура куанен.

Тыныс Ага пайремышке Куанен ме лектына. Поро кумылан айдемым Йолташ радамыш ўжына. Ик еш семын чумыргалын, Тынысым аралена. Тунам кылна пентгыдемын, Илышнам саемдена.

Юлия ИВАНОВА.

Кужэнгер, Шорсола.

Тамле пушан

– Уремыште шошо дене ўпшалтеш, – авам ойла.

– Авай, мо дене тудо ўпша? – йодам.

– Теве кўшнў кече онча. Оралте ўмбалне лум шулен пытен. Кайык-влак толыныт. Вашке пеледыш пеледалтеш. Уремышке лектын ончо. Шкежат ужат.

Мый уремышке лектым, йырым-йыр ончалым. Вара кугун шўлалтышым. Шошо моткоч тамлын ўпшалтеш.

Анастасия СЕРГЕЕВА, 2-шо класс.

Морко, Коркатово.

1 майыште Шошо да паша пайремым палемдышна.



Поэт Иван Осминын шочмыжлан 103 ий темме вашеш Керебеляк кыдалаш школ пеленысе йочасадыш коштшо йочавлак «Осмин лудмаш» пайремыште мастарлыкыштым ончыктеныт.

Ольга ЕРМОЛАЕВА.
Звенигово район.




Фотом школ архив - Ермаева Ольга

Шольым школ гыч пöртылеш
Да урок ышташ шинчеш:
Сүретла, воза, шотла,
Почеламутым

лудын ончыкта.

Аня СЕМЁНОВА.
Морко, Эгерсола.



Поэт-баснописец
Мирон Чойн-
Большаковын
шочмыжлан
100 ий темме
лүмеш Эгерсола
түн школ (Морко
район) да Марий
Элысе писатель
ушем «Край мой
марийский» сүрет
конкурсым эрта-
реныт.

Конкурсыш 89
паша пурен.

Икымше верым налше-влакым ончыктена:

1-4-ше класс-влак коклаште:

- **Артём Александров** (Н.А.Заболоцкий лүмеш
2-шо номеран Шернур школ, 3-шо кл.),

- **Вера Леонтьева** (Параньга, Олор, 4-ше кл.).

5-9-ше класс-влак коклаште:

- **Ангелина Николаева** (Морко, Нуж-Ключ, 7-ше кл.),

- **Вадим Никитин** (1-ше номеран Морко школ, 9-ше кл.).

Сүретыште басне



Дарья СИМОНОВА.
Н.А.Заболоцкий лүмеш
2-шо номеран Шернур школ.

Диплом
да сертификат-
влакым «Ямде
лий» газет редак-
ци йыште
налза.

Мый 1
чодыраште кошпынам,
Торешчапам ужынам.
Уло вийже ден чыма,
Тиде чодыра оза ...
Иван ЗОЛОТАРЕВ.
Оршанке, Кугунур.




Кок икгай маскайгым му.

Ожно кочмо
деч ончыч да кочмо
деч вара изи кинде
шуттышыш шинча-
лым шавалтен коч-
кыныт. Ялалан
лият, ойленят.

Улитке - марлаже

шайтан.



ТУШТО

Чодыра
дечат күшнö, вол-
гыдо дечат волгыдо.

Ок тўкалте, ок перал-
те - окна гыч пура.

Шкеже чылт сорла, но
тўредаш огеш лий.

Максим СТЕПАНОВ.
Морко, Арын.



Ўяча-Колобок молан лўдын?

✗ Чодыраште туло-
тым (костёрым)
ылыжташ ок лий!

✗ Кукшо шудым
ида йўлал-
те!

29
апрель гыч 13
май марте Марий
Элысе чодыраш амал
деч посна пураш
чарыме.

Индекс: Марий Элыште,
Пошкырт ден Татарстан
кундемлаште - П4696.
Тираж 1000 экз. Заказ 917.
Формат - А-4-8.
Директор-тўн редактор
Л.В.Семенова.

УЧРЕДИТЕЛЬ-ВЛАК: Марий
Эл Республикысе культур, печ-
ать да калык-влакын пашаш
шотышто министерстве, «Ямде
лий» газет» кугыжаныш уни-
тарный казна предприятий.

Газетым Массовый коммуникаций
сферыште да культур наследиим арал-
ымаште законодательством шуктен шо-
гымым эскерыше Федеральный службыв
Приволжский федеральный округысо уп-
равленийыштыже регистрироватлыме.
Номер - ПИ №ФС 18-1999,
2005 ий 10 февральыште пуымо.

0+ Соцсетысе адрес-влак:
ok.ru/yamdelii
vk.com/yamde_lii

Авторын да редакцийын шоныма-
шышт тўрлö лийын кертыт. Се-
рыш-влак мөнгеш огыт колталт.
Ак - кутырен келшыме почеш.

E-mail: yamde_lii@mari-el.ru,
yamde_lii@mail.ru
Сайтын адресше: yamde-lii.pro,
Тел. 8(8362) 45-22-82
(факс)

Газетым редакцийыште пого-
мо да верстатлыме, «СТРИНГ»
ИПФ ООО-што ямде оригинал-макет гыч
савыктыме. Типографийын адресше:
424006, Йошкар-Ола, Строитель урем, 95.

Газетым Печать да массовый
коммуникаций шотышто
Федерал агентствын окса
полышыж дене лукмо.

Редакцийын да издателын адресше:
424006, Йошкар-Ола, СССР
Вооружённый Вийын
70-ше идалькше урем, 20 (почтовый)
Эгерўбал Амстердам, 1
(фактический).